

Tilskotsordninga for inkluderings- og integreringstiltak – tilbakemelding

I sak 032/206 gjorde kommunestyret vedtak om å setja av kr 250 000 til fond for fritids- og avlastningstilbod for ungdomar med særskilde behov. I kommunestyret saknr 019/2017 vart retningslinjer for korleis desse midlane skal fordelast vedtatt. I retningslinjene står det at «*Det vert totalt sett av kr 250 000 til tilskotsordninga, og midlane vert henta frå fond for fritids- og avlastningstilbod for ungdommar med særskilde behov. Ramma for årleg tildeling er kr 80 000, fordelt med kr 40 000 pr. halvår, for perioden 2017-2019.*» Vidare står det at «*Tilskotsordninga har som føremål å stimulere til deltaking i kultur- og fritidsaktiviteter for menneske med særskilte behov, samt for flyktningar og innvandrarakar, som har behov for særskilt tilrettelegging for integrering i lokalsamfunnet.*» og at «*Tiltak retta mot barn og unge vert prioritert.*»

Det har no vore to søknadsrundar for denne ordninga. Tilskotsordninga har vore annonsert i lokalavisene, på nettsidene, facebook og i brev til lag og organisasjonar. Me har også vore i direkte kontakt med organisasjonar som jobbar med menneske med nedsett funksjonsevne.

Hausten 2017 kom det inn to søknader – éin frå LHL om støtte til m.a. internasjonal kafé og ein frå Manger helselag om støtte til sømjekurs for flyktningar. Radøy LHL fekk kr 14 500,- og Radøy helselag kr 16 200,-, tilsaman kr 30 700. I vår har det kome inn to søknader – éin frå Nordhordland turlag til utviding av «til topps» opplegget som dei har i samarbeid med Nordhordland Røde Kors og éin frå LHL om støtte til grilltreff og småbarnstreff. LHL søker om kr 10 000, Nordhordland turlag om inntil kr 25 000. Total søknadssum er 35 000 kroner. Desse søknadene er endå ikkje handsama.

Oppsummering av desse to søknadsrundane viser at det berre er kome søknader som gjeld integrering av flyktningar og innvandrarakar. Det har ikkje kome inn søknader som gjeld menneske med nedsett funksjonsevne, og ingen søknader som gjeld tiltak som rettar seg mot born. Ut frå dei søknadane som er komne inn, vert heller ikkje alle midlane fordelte.

Med venleg helsing
Bente Kopperdal Hervik
Rådgjevar kultur
Radøy kommune
Tlf. 56 34 90 12